

(<https://news.usm.my>)

Berita Mutakhir

11
NOV

USM, HEHD TANDATANGAN MOU UNTUK KOLABORASI AKADEMIK DAN PENYELIDIKAN



USM, PULAU PINANG, 11 November 2016 - Universiti Sains Malaysia (USM) telah menandatangani Perjanjian Persefahaman (MoU) dengan Hadhramout Establishment for Human Development (HEHD) Yemen untuk memperkukuhkan, mempromosi dan membangunkan kolaborasi akademik jangka panjang dalam program sarjana muda dan pascasiswazah serta kerjasama penyelidikan kedua-dua pihak.

Demikian ujar Naib Canselor USM, Profesor Datuk Dr. Asma Ismail yang mahu MoU ini memberi fokus kepada kerjasama dan perkara yang menjurus kepada kemasukan pelajar sarjana muda dan pascasiswazah selain juga kepada penyelidikan, pembangunan dan inovasi.



"Saya ingin melihat USM dan HEHD mengadakan perbincangan lebih terperinci secepat yang mungkin untuk menerokai peluang kolaborasi dalam bidang akademik dan penyelidikan yang akan memanfaatkan kedua-dua pihak dan negara," katanya.

Asma menandatangani MoU bagi pihak USM manakala HEHD diwakili oleh Pengerusinya, Eng. Sheikh Abdullah A. Bugshan.

HEHD ditubuhkan pada 2006 untuk meneruskan pembangunan sosioekonomi di Yemen khususnya di bahagian Hadhramout untuk mewujudkan lebih peluang pendidikan negara tersebut.



Sebelum penandatanganan MoU, Asma telah memberikan pembentangan berkaitan dengan keadaan semasa dan masa hadapan pendidikan tinggi negara serta senario pendidikan tinggi di Malaysia dan sedikit pembentangan mengenai USM yang memberi fokus kepada akademik, pencapaian penyelidikan dan apa yang boleh ditawarkan oleh USM kepada pelajar antarabangsa.

Yang turut hadir ialah Timbalan Naib Canselor Akademik dan Antarabangsa USM, Profesor Dato' Dr. Ahmad Shukri Mustapa Kamal; Timbalan Naib Canselor Jaringan Industri dan Masyarakat USM, Profesor Dr. Abdul Rahman Mohamed; Penolong Naib Canselor USM merangkap Pengarah Kampus Kejuruteraan, Profesor Dr. Ahmad Farhan Mohd Sadullah; Pegawai Pengiring (Malaysia) HEHD Profesor Emeritus Dato' Dr. Sheikh Omar Abdul Rahman; ahli-ahli lembaga pemegang amanah HEHD; Pengarah Pusat Kolaborasi Antarabangsa Profesor Dr. Lee Keat Teong; dekan-dekan, pengarah-pengarah, dan pegawai utama USM.



10 orang delegasi dari HEHD itu juga dibawa ke Institut Penyelidikan Perubatan Molekul (INFORMM) USM untuk sesi lawatan ringkas di mana mereka melawat beberapa peralatan canggih dan makmal-makmal serta diberi taklimat tentang beberapa penyelidikan yang sedang giat dijalankan di sana.



INFORMM adalah salah satu daripada beberapa institut penyelidikan yang diberi penarafan Pusat Kecemerlangan Pengajian Tinggi (HICoE) sejak 2010.

Terjemahan: Hafiz Meah Ghouse Meah



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015